



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Druzbicki, Societatis Jesu, Jesus Passus Per Centuriam  
Modorum Meditandi passionem Salvatoris nostri illustratus; cui  
accesserunt Meditationes In Passionem Domini XLVI. - Juxta numerum  
dierum Quadragesimæ

**Druzbicki, Kaspar**

**Ingolstadii, 1732**

**VD18 90066405**

86. Considerando, quomodo Christi Passio gloriæ cælesti respondet  
meritorie.

**urn:nbn:de:hbz:466:1-45427**

## MODUS LXXXVI.

Octogesima sextus Passionem Dominicam meditandi Modus esse potest. Considerare quomodo Passioni Domini nostri responderet gloria Beatorum in celo. Dupliciter autem respondere potest. Primum meritorie, ita ut expendamus, quam partem beatitudinis, quâ parte Passionis suæ Dominus noster promeruerit. Etsi enim totâ Passione, & quâlibet ejus parte, totam promeruerit gloriam cælestem Beatis suis Dominus, assignari tamen possunt per piam considerationem, certæ partes Passionis, habentes quandam proportionem, ad certas partes gloriæ, quæ per illas promerita videri possunt. Altero modo respondere potest Passio Gloriæ Beatorum nempe exemplariter, de quo modo, in sequenti proximè agemus. Nunc autem priorem proponemus.

Beatitudo Cœlestis hominum beatorum (de horum enim agimus) complectitur hæc. I. Beatitudinem Animæ, quæ consistit in visione Dei intuitiva, Amore beatifico, & gaudio, fruitione, possessioneque, seu tentione Dei æternâ. Estque hæc beatitudo Essentialis atque substantialis. II. Complectitur beatitudinem corporis, quæ consistit in quatuor ejus dotibus, nempe 1. Immortalitate seu impatibilitate. 2. Claritate. 3. Agilitate. 4. Subtilitate. III. Complectitur Laureolas, quæ sunt triplices. 1. Virginum. 2. Martyrum. & 3. Doctorem. 4. Complectitur glorias accidentales, quæ beatis adveniunt frequentissimè ex variis occasionibus & causis, connexionibusque ipsorum Beatorum cum

cum ipsis. ut v. g. quoties alicujus Beati exemplo, seu doctrinâ, proficiunt viatores in Dei & proximi amore, & obsequio, in studio virtutum, in exercitio pœnitentiæ &c. toties illi Beato ob-

*Luc. 15. 7.* *Gaudium est Angelis Dei in celo, super uno peccatore pœnitentiam agente: de hac etiam accidentali gloria intelligendum illud.*

*2. Esdra 8. 10.* *Gaudium Domini, fortitudo nostra.* Ista omnes Beatitudinis portiones, habere possunt partes suas, in Passione Domini, quibus emeritæ, & acquisitæ sunt Beatis. Has partes, assignare quisque pro suo ingenio arbitrio potest, ego partim minuendi laboris, partim paradigmati causâ, sic designo.

Primum ergo, Possessionem Dei beatificam, emit nobis Dominus noster venditione atque traditione sui, quam à Judâ discipulo in manibus inimicorum subiit. Emit etiam traditione illâ, quâ demum à Pilato traditus est voluntati Judæorum, & denique illâ à suo populo sui sanguinis super se, & super filios eorum acceptatione.

Deinde visionem beatificam & intuitivam Dei sicuti est, emit nobis Dominus comprehensione & captivitate sui ab inimicis, circumductioneque illâ ad subsellia Judicum, tam Judæorum, quàm Gentilium.

Tertiò. Gaudium & Fruitionem Tentationemque Dei beatificam promeruit nobis Dominus, desiderio suo, quo flagravat, patiendi pro nobis, item affixione ad Crucem per manus, atque pedes. Siti quoque & fellis ac acci gustatione. Oratione quoque ad Patrem pro transgressio

G:  
Bi  
oper  
Tom  
Ne

gressoribus, ac demum derelictione sui à Patre, quam testatus est ipse.

Quartò. Corporis gloriam in universum promeruit nobis partim sudore sanguineo in horto, partim verecundiâ in tot repetitis nudationibus, partim cruentissimâ, crudelissimâque flagellatione, atque laceratione corporis sui.

Quintò. Immortalitatis seu Impatibilitatis dotem meruit nobis cruciatibus suis in cruce, Agoniâ trium horarum, & denique morte in eadem funesta trabe.

Sextò. Agilitatis Dotem meruit nobis ultroneo occurfu hostibus suis, ad se capiendum venientibus. Item vinculis toties sibi injectis auctisque, usque dum crucifigeretur.

Septimò. Claritatis Dotem obtinuit nobis, nocturnis pœnis in domo Caiphæ, ubi velaverunt faciem ejus, & dabant ei alapas, & colaphis eum ceciderunt, & prophetisare jusserunt, & alia multa blasphemantes in eum dixerunt, demumque totâ illâ nocte, indignissimis crudelissimisque modis habuerunt.

Octavò. Subtilitatis Dotem acquisivit nobis Dominus, Oratione & agoniâ in horto: pavore & tristitiâ, & tædio cordis, vulnere lateris, & sepulturâ.

Nonò. Laureolas promeruit nobis Dominus illusionem tum per vestem albam Herodianam, tam chlamide coccineâ, tum spineâ coronâ, & arundineo sceptro, totâque illâ conspuatione, alapis, illusoriis salutationibus, & in specie dum in Cruce consummavit martyrimum, caputque exstitit martyrimum; dum ex Cathedra Crucis docuit, perdendam potiùs vitam, quàm obedientiam, dum

DI  
 XI  
 28  
 7  
 15  
 V  
 8

dum inter Matrem Virginem, & discipulum, ipse quoque Virgo mortuus est, tres omnes in laureolas dedicavit.

Decimò. Accidentales glorias promerens Dominus noster omnibus Passionis suæ accessoriis conditionibus, atque circumstantiis, tum exterioribus, tum maximè interioribus, Christo soliti nonis. ac potissimum in explebili amore Dei Patris, & propter illum etiam amore salutis nostræ; accessit dolor compativus super ruina populi sui, tam Spirituali & æterna, quàm etiam corporali; similis dolor super lapsu Petri, super maternis doloribus, super aliorum amicorum suorum luctu.

Undecimò. Gloriam quinque sensuum, corporis meruit Dominus noster afflictionibus suorum quoque sensuum externorum; qua de re plenius dicetur in fine modi sequentis.

Ex his pii Meditatoris Animus cognoscat fructus Passionis Dominicæ, qui se etiam in Beatos, beatitudinemque eorum effundunt: cognoscat suam & omnium hominum, & in primis beatorum obligationem, tum ad agendas gratias adeo profusæ Domini nostri in nos charitati: tum ad faciendas quoque de suo aliquas impensas, Christi hisce impensis unitas, ad propriæ beatitudinis acquisitionem. Agnoscat quoque & accuset, & defleat & emendet, emundetque suam, & aliorum infinitorum ingratitude, negligentiam, mollitiem, in respondendo tantis Christi, nostri causâ susceptis laboribus, exhaustis doloribus, profusis sumptibus, quæsitis & acquisitis beatitudinibus &c. Agnoscat denique & accendatur, quærendos Christo eos, qui beatitudinis ab illis ipsis promeritæ participes sint, disponendosque eosdem

G:   
 Bi   
 opere   
 Tom   
 Ne   
 5

eosdem quàm maximè, ad summam capacita-  
tem participationem que Beatitudinis, ita sibi à  
Christo quæsitæ. In hoc namque studio confi-  
sit & excellit zelus, non tantum erga proximos  
Christi sanguine redemptos, verùm etiam erga  
ipsummet Christi gloriam, quam ille pro suis o-  
mnibus passionibus potissimùm ex nostra ulti-  
mata beatitudine percepit, tanquam præmium  
& mercedem. Neque possumus excellentius  
nostram in Christum vicissim protestari depro-  
mereque charitatem, quàm si plurimos, & quan-  
tum ex nobis, omnes adnitamur exhibere Christo  
plenissimè glorificandos. Hoc enim est maxi-  
mam, quæ fieri possit, procurare Christo merce-  
dem laborem, & Passionum, & meritorum suo-  
rum.

## MODUS LXXXVII.

**O**ctogesimus septimus Modus Passionem Do-  
mini meditandi esse potest, Considerare  
qualiter Passio Christi respondet exemplariter  
Beatorum præmio, atque gloriæ in cælo, & hac  
vicissim illi. Cùm autem dico exemplariter re-  
spondere, in eo sensu dico, quia quædam partes  
Passionis Dominicæ correspondent partibus Bea-  
tæ gloriæ proportionem quadam, non tantùm pro-  
pter similitudinem, aut identitatem, verùm etiam  
propter efficientiam, atque adeò & propter con-  
trarietatem.

Primò. Abscondita sapientia, veritasque  
contempta, & partim falsitatis, partim stultitiæ  
velamine obscurata, respondet visioni Dei intui-  
tivæ, quâ jam Beati non per speculum, & in æni-  
gmate,

211  
Cxi  
2800  
7 115 III  
V  
8